

آني الغريبه ابكريله أي واحسينا

منهو إلي كافل

وينك يبوفاضل



تحمي صواوين الحرم والتَّعم حراس
شيخ الشَّهامه والمرَّوه البطل عباس

حولك يبواليه ضياغم ترفع الراس
قري يزنب عينچ وطیبي لحساس

سور الهواشم ما تهمه زمرة أرجاس
هذا القمر مهيوب بالعزّه اولمراس

إلوصه بيه حيدر عظیم الشده والباس
بوجوده يا خيّه دسکني روع لنفاس

عباس وحسين

وين اخوتي وين

قلبي مالوم يخويه قلبي مالوم
قاسي هاليوم عليّه قاسي هاليوم
ابولية القوم يوسفه ابولية القوم
يكفي اهموم يخوتي يكفي اهموم

وينك يبوفاضل يا كافل اضعوني
غالي الدمع هامل عباس يعيوني
منهو إلي كافل لّمّه تخلوني
دمع اليتم سايل صعبه تودعوني

آني الغريبه ابكريله أي واحسينا

صعبه تيتموني

يخواني تدروني



قلبي انخطف ابهاالأرض وأظلمت دنياي
أهات قلبي اموجّره تترقب إلجاي

من حطّت اضعوني يخويه ضيّع الراي
وأحزان عمري ابكل كتر تستعر بحشاي

أدري يبو الغيره على وعدك يوقاي
قلبي يويلي ينمرد يا نور عيناي

حاشه يبوفاضل تخيّب ليّه رجواي
مصعبها ساعه من تشد للحومه مشاي

عذّبني لونين

حامي الصياوين

سبط لكرام تفدّي سبط لكرام
محلّه ليام يخويه محلّه ليام
رافعه الهام يكافل رافعه الهام
وحشه لخيام أنادي وحشه لخيام

يا خويه إربينه متخلي احسينك
يالغالي حئينه اذّكر اسنينك
إلكربله جينه محروسه ابعينك
من تبطي اعلينه عباس چا وينك

آني الغريبه ابكريله أي واحسينا

محتاره بضعوني

وحدني تخلوني

آني الغريبه ابكربله أي واحسينا

منهو إلي كافل

وينك ييوافضل

✽

✽

✽

عباس يا أصل الشهامه والمرّوه
وابكربله الإيثار فجّر بينه صحوه

يلجستت معنى التفاني والإخوّه
من ينشدك مترد ييوالشيّمات نخوه

غالي أبو السجاد تفني كل عدوّه
ما تدّخر لجل الوديعه اليوم قوّه

عباس يا حامي حمه سبط النبّوه
هيهات ترجع عن حمى الصيوان خطوه

حامل لوا الدين

يا ناصر حسين

أدري وقّاي يخويه أدري وقّاي
تطلب الماي حرمنه تطلب الماي
مدري شالراي يكافل مدري شالراي
قمر دنياي معوفه قمر دنياي

ابرايته ودرعه تتفرع اعزومه
من خيته اتسمعه عزّم إلى الحومه
مدري إليه رجعه لو ساعه محتومه
قلبي خفق وجعه تتوجّر اهمومه

آني الغريبه ابكربله أي واحسينا

ما ينجر حالي

من تمشي يالغالي

✽

✽

✽

كلما تغيب الرايه بين اسيوف وارماح
قلب العقيله ينقبض مدري العمد طاح

زينب على باب الخيم مكسوره لجناح
تنظر اميحا بوعلي بيه الحزن لاح

بواليمه محني على الأخو والدمع مسفوح
والعين طفاها السهم يا مهجة الروح

يم الشريعه يا وسف عباس مذبح
امطبر الهامه واجسمه ممثلي اجروح

خبرني يحسين

عباس چا وين

اشحال زينب يغالي اشحال زينب
ابقلبي يلهب أحسه ابقلبي يلهب
يمّك أنحب مصابك يمّك أنحب
حالي يصعب يخويه حالي يصعب

يظهري واسنادي
صوّبني بفادي
آه الدمع بادي
لو حان ميعادي

أنه أخوك حسين
ساطي سهم بلعين
حسره على الجفين
مالي يخويه امعين

آني الغريبه ابكربله أي واحسينا

من حولي أيتامي

محزونه بخيامي